

忍

经

上

風

聲

上

忍

经

主 编 李自然 杨泰峰

(上)



卷一

周成王命番大夫魏斯、越相、薛虎、徐侯、司馬公斷曰：「天下之職，莫大于
礼，礼莫大于分，分莫大于名。是故天子統三公，王公平諸侯，諸侯制卿大夫，卿大
夫治士，士成人，貴以臨賤，賤以承貴，又也不謂「利干分，不利于專者乎」？」

卷二

卷三

卷四

卷五

忍

经

(上)

许明奎 著
吴亮 著
艺文堂点校

总 经

主 编 李自然 杨泰峰

责任编辑 冯善雅

责任印制 胡元义

出版 中国文联出版社
北京农展馆南里十号

发行 中国文联出版社
中国文联出版社发行部

经销 全国新华书店

印刷 河北沙河市第二印刷厂

版次 一九九九年五月第一版第一次印刷

全套定价 伍佰伍拾圆整

ISBN 7-5059-3317-5



9 787505 933170 >

ISBN 7 - 5059 - 3317 - 5 / I · 2519

忍
经
(上)

.....

韜略篇

周威烈王命晋大夫魏斯、赵籍、韩虔为诸侯，司马公断曰：『天下之职，莫大于礼，礼莫大于分，分莫大于名。是故天子统三公，三公率诸侯，诸侯制卿大夫，卿大夫治士庶人。贵以临贱，贱以承贵，又岂不谓「利于分，不利于专者乎」？』

慧之忍

〔原经文〕

子孺避权，明哲保身；杨李弄权，误国殄民。

〔原注文〕

西汉张良，字子孺，号子房，其先韩人。少游下邳，遇黄石公于圯桥，为之进履，得书一编，乃《太公兵法》。后归高祖，平定天下，封留侯，乃曰：『三寸舌为帝师，封万户，位列侯，此布衣之极，子良足矣。愿弃人间事，从赤松子游。』司马公曰：『子房辞明通达，等功名于外物，置荣利而不顾，所谓「明哲保身」者，子房有焉。』

唐杨贵妃有宠于上。从祖兄杨钊，改名国忠，为相，裁决机务，果敢不疑，攘袂扼腕，公卿以下颐指气使，莫不震慑。兄弟锽为殿中少监，铸为駙马都尉，及姐妹三人皆赐第，封秦、韩、虢三国夫人，贵宠赫然，势倾朝野。妃养胡人安禄山为养儿。天宝十四载，禄山反，陷长安，乘輿播迁，人民涂炭。互见外戚传。

唐李林甫，事玄宗，居相。位十九年。媚事左右，迎合上意，以固其宠，杜绝言路，掩蔽聪明，以成其奸；妒贤疾能，排抑胜己，屡起大狱，诛逐贵臣，以张其势。自太子以下皆畏之，养成天下大乱；至一言而废明皇之三子，人以为口有蜜，腹有剑。

观夫杨李，似此擅窃威权，以启祸衅，岂不谓『误国殄民』者乎？《春秋》断羊斟曰：『败国殄民，刑孰大焉？』

〔原文〕

惟彼愚人，招权入己。炙手可热，其门如市；生杀予夺，目指气使；万夫胁息，不敢仰视。

〔原注文〕

观夫子房避权，得以明哲保身；杨李专权，至使丧失身家，岂不谓专权者，乃昧理之愚人也？故曰：『惟彼愚人，招权入己。』

杜甫《丽人行》：『炙手可热势绝伦。』

唐宣宗时有郑鲁、杨绍复、段环、薛蒙相结，用事颇参议论，时人语曰：『郑杨段薛炙手可热。』故白乐天《咏兴诗》云：『吾观权势者，苦以身循物，炙手外炎，履冰中栗栗。』

唐太平公主沉敏，多权略，以诛张易之及韦氏皆有功。上尝与之议政，宰相进退，系其一言。荐士骤历请显者不可胜数。文武之臣大半附之，权倾人主，其门如市。玄宗开元元年，公主谋逆，赐死，诸子及党与死者数十人。汉《郑崇传》亦曰：『其门如市。』

司马公曰：『夫爵禄废置，生杀予夺，人君所以驭臣之柄也。』

西汉《贡禹传》云：『家富势足，目指气使。』颜师古曰：『动目以指物，出气

以使人。』万夫胁息者，《严延年传》：『豪强胁息，』颜师古曰：『胁敛也。屏气而息。』

《史·项籍传》称：『诸侯将入辕门，膝行而前，莫敢仰视。』

东汉灵帝时举郡上计，时司徒袁逢受计，计吏数百，拜伏廷中，莫敢仰视。

〔原经文〕

苍头庐儿，虎而加翅，一朝祸发，迅雷不及掩耳。

〔原注文〕

苍头者，侍从之人也。凡给事殿中，所居为庐。苍头侍从呼『庐儿』。传曰：『益已强之势曰：「虎而加翅」。』

司马公曰：『小人智足以遂其奸，勇足以决其暴，是虎而翼者也。』

西汉萧望之与王仲翁皆丙吉荐引。召见时，霍光秉政，余皆附之，独望之不附，不得大用。后射策甲科，除郎署小苑东门候，而仲翁除光禄大夫给事中，出入苍头庐儿，传呼甚宠，顾谓望之曰：『不肯录录反抱关为？』对曰：『各从其志。』见《萧

望之传》。

西汉鲍宣为谏大夫，上书曰：『外戚与幸臣董竖赏赐以大，万数苍头庐儿皆用致富。』

南齐萧衍谓张弘策曰：『一朝祸发，中外土崩。』

《七书·龙韬》太公曰：『疾雷不及掩耳，卒电不能瞑目。』此许先生引此谕诸擅权作威者，一朝势去，祸来犹雷之震耳、电之耀目，疾速不能避矣。

〔原经文〕

李斯之黄犬谁牵，霍氏之赤族奚避？噫，可不忍欤！

〔原注文〕

秦李斯，其先楚上蔡人，后归秦始皇以为客卿。初为廷尉，后为丞相。上书请烧书；耦有言《诗》《书》者，皆弃市，于是坑戮儒生，焚灭经术。尝与宦者赵高诈矫制杀太子扶苏，后与高有隙，高构于二世曰：『斯长男李由为三川守，与盗陈胜通。且丞相居外，权重于陛下。』二世然之，乃下斯狱，具五刑，腰斩咸阳市。斯出狱顾

謂中子曰：『吾欲与若复牵黄犬，俱出上蔡东门逐狡兔，岂可得乎？』遂父子相向而哭，而夷三族。故胡曾诗云：『功成不解谋身退，直待云阳血染衣。』

西汉霍去病，武帝时为骠骑将军，击匈奴有功，弟光为大司马大将军，受武帝遗诏辅太子，诏曰：『维霍光忠厚可任大事。』使黄门画周公辅成王朝诸侯图赐之。事昭帝执政十四年，帝崩，光逆昌邑王贺入，即位。贺淫戏无度，光奏废之，又迎立武帝曾孙病已，立为孝宣帝，政皆归光，封光万七千户，前后赏赐黄金七千斤、钱六十万、杂缯三万匹、甲第一区。及光卒，帝始亲政。后光夫人显与其子霍云、霍山、霍禹等谋废天子，事觉，云、山自杀，禹腰斩，显及诸女昆弟皆弃市，家族竟株连，坐诛灭者数千家。司马公曰：『霍光之辅汉室，可谓忠矣。然卒不能庇其宗，何也？夫威福者，人君之器也。人臣执之，久而不归，鲜不及矣。』赤族者，扬雄《解嘲文》有曰：『徒欲丹朱吾穀，不知一跌将赤吾之族也。』颜师古曰：『见诛杀者，必流血，故云「赤族」。』

势之忍

〔原经文〕

迅风驾舟，千里不息；纵帆不收，载胥及溺。

〔原注文〕

迅，速疾也。谓豪侠使势之人，犹凭风驾舟，不瞬息之间可至千里，岂不快哉！然不自修省戒惧，而纵其所为，必有覆舟垫溺之患继之。故曰：『纵帆不收，载胥及溺。』

《诗·大雅·桑柔》篇云：『其何能淑，载胥及溺。』此诗乃芮良夫为周厉王作，盖厉王肆行暴虐，败其王业，自取国削，犹不能幡改前非，致其忧恤，则何能淑善哉！亦相与入于陷溺之乡矣。

〔原经文〕

夫人之得势也，天可梯而上；及其失势也，一落地千丈。朝荣夕悴，变在反掌。炎炎者灭，隆隆者绝。观雷观火，为盈为实，实天收其声，地藏其热。高明之家，鬼

瞰其室。噫，可不忍欤！

〔原注文〕

韩文《听颖师弹琴》云：『跻攀分寸不可上，失势一落千丈强。』

汉《班固传》曰：『蹶风云之会，履颠沛之势，朝为荣华，夕为焦悴。福不盈眦，祸溢于世。』故北魏中书韩显中曰：『官位无常，朝荣夕悴。』

汉扬雄《解嘲文》曰：『当涂者入青云，失路者委沟壑。旦握权而为卿相，夕失势则为匹夫。』又曰：『且夫闻之也，炎炎者灭，隆隆者绝。观雷观火，为盈为实，天收其声，地藏其热。高明之家，鬼瞰其室。位极者宗危，自守者身全。』谓人得其势则身居卿相之位，手握生杀之权，而炎炎然炙灼之气，隆隆然丰大之势，上可奋入青云之高；及其失势则委弃于沟壑而不顾，曾布褐之贱夫不如也。夫以势位喻之雷火者，言其非实非盈，势难常也。盖雷火在《易》为丰卦，《彖》曰：『丰，大也。日中则昃，月盈则食。天地盈虚，与时消息，而况于人乎？』《传》曰：『既言丰盛之至，复言其难常，以为诫也。日中盛极则有昃迭，月既盈满则有亏缺。天地之盈虚，

尚与时消长，而况于人乎？」谓大凡物盛则衰，必然之理，以此之戒，欲其守中，不可过盛。复曰：「人于此时，当如奉盘水战兢自持，方无倾侧满溢之患。」故云：「位极者宗危，自守者身全。」又《月令》：「仲春雷发声，仲秋雷收声，季夏溽暑，孟冬地冻。」夫不谓之天收其声，地藏其热而何？此亦天地之道，未有处久而不变也。但居势要之地者，宜加省警焉。高明之家，鬼瞰其室者，即《易》所谓「鬼神害盈而福谦」也。

苛察之忍

〔原经文〕

水太清则无鱼，人太察则无徒。瑾瑜匿瑕，川泽纳污。

〔原注文〕

《家语》孔子曰：「古者圣王冕而前旒。所以蔽明也。纛统充耳，所以掩聪也。水至清则无鱼，人至察则无徒。」此子张问入宫治民之职，而孔子答之如此。

《左传》宣公十五年：晋大夫伯宗言于晋侯景公：「谚曰：『高下在心，川泽纳」

污。」山藪藏疾，瑾瑜匿瑕，国君含垢，天之道也。』谓言凡事之高下在心，度时制宜，川泽之广，污浊之水无不纳焉。高山大藪，毒害之物，无不藏焉。瑾瑜美玉，亦或藏瑕疵。国君之尊，亦时有含忍垢耻之事。此皆天之道也。盖小恶不损大德也。

〔原经文〕

其政察察，斯民缺缺。老子此言，可以为法。

〔原注文〕

《老子·顺化》章曰：『其政察察，其民缺缺。』斯言足可以为后世法则，故云。

〔原经文〕

苛政不亲，烦苦伤恩，虽出鄙语，薛宣长乘。

〔原注文〕

西汉薛宣，字赣君，东海剡人。大将军王凤闻其能，荐为长安令，治有名。成帝即位，以宣为中丞。上疏言时政得失，有曰：『政教烦碎，大率咎在部刺史，或不循

守条职，举措各以其意，至开私门，听谗佞，以求吏民过失。鄙语曰：「苛政不亲，烦苦伤恩」。』上嘉纳之。

〔原经文〕

称柴而爨，数米而炊；擘肌折骨，吹毛求疵。如此用之，亲戚叛之。

〔原注文〕

《淮南子》：『称薪而爨，数米而炊，可以治小而未可治大也。』

南梁常侍贺琛，陈四事于武帝。其三有曰：『至于百司不治国之大体，惟务吹毛求疵，擘肌折骨，以深刻为能，以绳逐为务，迹虽似于奉公，更成其威福，长弊增奸，实由于此。』注：绳逐者，以绳纠其过失而即斥退之。

又西汉晁错，惟务摧抑，诸侯王数奏暴其过恶。有司吹毛求疵，笞服其臣，使证其君。以此致七国乱。岂不谓亲戚叛之者乎？

孟子曰：『得道者多助，失道者寡助。寡助之至，亲戚畔之。』